

## JAVNI POZIV ZA ZAKLJUČENJE VANSUDSKE NAGODBE U 2020. GODINI

1. Vlada Federacije Bosne i Hercegovine poziva zainteresirane uposlenike u organima i institucijama Federacije Bosne i Hercegovine, odnosno umirovljenike kao i njihove nasljednike, i advokatske kancelarije-opunomoćenike na dobrovoljno zaključenje ugovora o vansudskoj nagodbi za izmirenje potraživanja koje imaju prema Budžetu FBiH utvrđenih pravosnažnim i izvršnim sudskim odlukama iz oblasti radnih odnosa. Ovaj javni poziv se raspisuje za period od objavljivanja u dnevnim novinama do 30.06.2020. godine.

2. Sredstva za finansiranje potraživanja iz radnih odnosa po osnovu zaključenja ugovora o vansudskoj nagodbi predviđena su u Budžetu Federacije BiH za 2020.g., a ista će biti isplaćena po redoslijedu prijema validno popunjenih i potpisanih zahtjeva za zaključenje ugovora o vansudskoj nagodbi sa pripadajućom dokumentacijom (vidi dole) ukoliko se u postupku provjere od strane nadležnih institucija i organa FBiH utvrdi da se radi o opravdanom, tj. osnovanom potraživanju i slijedom toga potpišu ugovori o vansudskoj nagodbi, sve u skladu sa propisanim procedurama i pravilima iz Uputstva Vlade Federacije Bosne i Hercegovine o zaključenju i izvršenju ugovora o vansudskoj nagodbi u 2020. godini.

3. Predmet Ugovora o vansudskoj nagodbi mogu biti samo sva (ukupna) potraživanja, dakle po svim pravosnažnim i izvršnim sudskim odlukama (presudama/rješenjima o izvršenju) iz radnih odnosa, koja tužitelj/traitelj izvršenja potražuje u momentu podnošenja zahtjeva, a čija je pravosnažnost i izvršnost utvrđena od strane nadležnog suda zaključno sa 31.12.2019.godine. Ugovor o vansudskoj nagodbi zaključuje se samo za isplatu potraživanja na ime osnovnog duga (glavnice, pripadajućih poreza i doprinosa, troškova parničnog i izvršnog postupka) uz bezuvjetno i trajno odricanje od naplate potraživanja po osnovu zakonskih zateznih kamata od strane podnosioca zahtjeva.

4. Zainteresirani uposelnici/umirovljenici i njihovi nasljednici kao i advokatske kancelarije-opunomoćenici (tužitelji/traitelji izvršenja) iz tačke 1. ovog Javnog poziva dužni su postupiti na slijedeći način:

- preuzeti sa web stranice Vlade FBiH tipski tekst Zahtjeva za zaključenje ugovora o vansudskoj nagodbi u 2020. Godini i popuniti ga. Istovremeno, sa web stranice Vlade FBiH preuzeti odgovarajuću verziju tipskog teksta ugovora o vansudskoj nagodbi, popuniti ga u skladu sa uputstvima navedenim u tekstu ugovora, potpisati ga u 4 (četiri) primjerka i zajedno sa popunjenim Zahtjevom za zaključenje vansudske nagodbe u 2020. godini predati na protokol (služba za prijem pošte) tuženog organa tj. institucije Federacije Bosne i Hercegovine, ujedno prilažući slijedeće dokumente:
  - kopiju/kopije svih (zaključno sa 31.12.2019. godine) pravosnažnih i izvršnih sudskih odluka tj. presuda sa prijedlogom za izvršenje u 1 (jednom) primjerku,
  - fotokopiju ovjerene lične karte podnosioca zahtjeva, bilo da se radi o uposleniku ili umirovljeniku ili nasljedniku i to u 1 (jednom) primjerku,
  - punomoć za zastupanje u slučaju da se na strani uposlenika ili umirovljenika ili njihovih nasljednika kao potpisnik ugovora o vansudskoj nagodbi pojavljuje opunomoćenik u vidu advokatske kancelarije ili trećeg lica, i to u 1 (jednom) primjerku,
  - rješenje o naslijeđivanju u slučaju da se nasljednik/nasljednici uposlenika ili umirovljenika pojavljuju kao potpisnici ugovora o vansudskoj nagodbi i to u 1 (jednom) primjerku,
  - potvrda nadležne advokatske komore, koja ne može biti starija od 3 (tri) mjeseca kojom se potvrđuje validnost uvjerenja/rješenja o upisu advokatske kancelarije u slučaju da se ista pojavljuje ili u svojstvu opunomoćenika ili podnosioca zahtjeva za naplatu troškova parničnog i izvršnog postupka.

Tipski tekst Zahtjeva za zaključenje vansudske nagodbe u 2020. godini i odgovarajuće verzije ugovora za zaključenje vansudske nagodbe može se preuzeti sa web stranice Vlade FBiH ([www.fbihvlada.gov.ba](http://www.fbihvlada.gov.ba), naslov: VANSUDSKA NAGODBA). Samo oni zahtjevi koji se podnesu u roku na koji je raspisan ovaj Javni poziv, koji se

pravilno popune, te uz koje se dostavi naprijed navedena potpuna i validna dokumentacija zajedno sa pravilno popunjena i potpisana 4 (četiri) primjerka odgovarajuće verzije tipskog ugovora ugovora o vansudskoj nagodbi bit će uzeti u razmatranje. Za sve dodatne informacije potrebno je nazvati nadležnu službu tuženog organa ili institucije Federacije Bosne i Hercegovine.

Zahtjevi za zaključenje vansudske nagodbe koji su predati tokom 2019.g. a koji do 31.12.2019.g. iz bilo kojih razloga nisu bili obrađeni se ne trebaju ponovo podnositi, a bit će prioritarno uzeti u postupak provjere prema redoslijedu predaje u odnosu na zahtjeve koji se podnesu u 2020. godini.

**Vlada Federacije Bosne i Hercegovine**